

पुर्खा दयक तकगु सम्पति, भीगु कला व संस्कृति

पिकाक-भक्तपुर नगरपालिका



नेपाल संवत् १९३९ शिल्लाथव/२०७५ फागुन १/ 2018 December/ ल्या:७, दाँ:१



नारायणमान बिजुक्छें (रोहिता)
नपांया सल्लाबल्ला

; Dkfb slo

सम्पदा संरक्षणया भाला स्थानीय तहता बियमः

सन् २०२० याता 'नेपाल भ्रमण वर्ष' काथं डायकेगु अले उगु दाच्छीख्य् भीगु नेपः देशे नीगूलाख पर्यटकत दुकाय्गु क्वछिड पर्यटन बोर्ड व मे-मेगु संस्थात सक्रिय जुयो ज्या साड च्वंगु दः । थुगुहे इलय नेपःया विश्व सम्पदा सूचीख्य् नां जायो च्वंगु सम्पदात मल्लवन धःसा विश्व सम्पदा सूची नां हुयो छ्वइगु भय अप्वयो च्वंगु बुखाँ बय्बय् जुयो च्वंगु लिं फुक्क नेपःमितय् नुगः पिपिच्याड च्वंगु दः । धात्थें थुकिया जिम्मेवारी सु खः ? फुक्कसिनं गम्भीरतापूर्वक सोचेयाय् मःगु जरुरी दः ।

युनेस्को स्वनिगः (यें, यल, ख्वप) याता छगुहे लागा धायो येँ, यल व ख्वपया लाय्कु, सिंगुं (स्वयम्भू) पशुपति लागा, बौद्धनाथ व चाँगुनारायण लागा याता विश्व सम्पदा सूचीख्य् नां छायो तःगु खः । भवखाचां उगु थाय्या यक्व सम्पदा दुसेलिं मापदण्डता वास्ता मयासें थः यो यो थें दानेगु ल्हवनेगु जथाभावी ज्यायासेलिं थुगु समस्या वगु खः दक स्पुपुं विज्ञापिसं न्वाड च्वंगु दः ।

सरकारी निकायया मनूतयसहे सम्पदा ल्हवनेगु थेंजःगु गम्भीर ज्या ठेक्का बियो थःछखेलिड च्वन । ठेकेदारं लबः बाहेक सांस्कृतिक व पुरातात्विक महत्त्वया छुं हे च्यूता तैमखु । पशुपति लागाय् व मेमेगु थासय् सम्पदा ल्हवनेगु ज्याख्य् मःगु मापदण्डया मतलब मयासिं ज्या साङ्गुलिं सर्वोच्च अदालतं अथे याय्मते जक ब्यूगु (आदेश) उजं याता हे च्यूता मतसिं थः यत्थें ज्या सानिपुं लबसिं पिसंयाड थजगु गम्भीर समस्या वगु खाँ विज्ञापिसं धायो च्वंगु दः । थुकिं सम्पदा संरक्षणया जिम्मा कायो च्वंम्हा पुरातत्व विभाग हे धात्थेंम्हा दोषी खः धाय्गु खाँ क्यें ।

ख्वपया भण्डारखाल दुनेया दुइमाजु पुखु व आनाया चाकलिं लोहें तं सिय्ता मापदण्डया अखः सिमन्टी छ्यःगुलिं ख्वप नगरपालिकां पुरातत्व विभागता सचेत याडागु खःसा सिद्धिलक्ष्मी देगः ल्हवनेगु भुवल्य् फुसुगु ल्वहें छ्यःगुलिं ख्वप नगरपालिकाया जनप्रतिनिधिपिसं ज्या दिक लिपा बाँलागु ल्वहेंतं दांकागु खः । जनप्रतिनिधिपुं जनताया प्रतिनिधि जुगुलिं उगु सम्पदा स्वय्गु जिम्मा नं जनप्रतिनिधि पिनिगु हे खः । उकिं सम्पदा संरक्षणया भाला स्थानीय निकायता हे बियमः ।

पिकाक- ख्वप नगरपालिका/सम्पादक-आशाकुमार चिकंञ्जार/थाक्-भक्तपुर अफसेट प्रिन्टर्स
फोन ल्याः - ०१-६६१००९६, इ-मेल - bhaktapurmuni@gmail.com

राज्यसत्ता दःतले शोषक वर्ग छलंलाय्गु ज्या याड च्वनि

● नारायणमान बिजुक्छें (रोहित)

पीडाकगू पार्टी निस्वांगु भिं दिंया लसताय नेमकिपाया नायो नारायणमान बिजुक्छें नपां जूगु खँहाबँहा ।



न्ह्यसः नेपाल मजदुर किसान पार्टीया ४५ कगु निस्वांगु भिं दिंया लसताय भिंतुना देछायो च्वडा । उगु ४५ दाया बागुसर्वितकया ताः इलय् मविसैं हज्याड वयो च्वंगु चानचुनया खाँ मखु । उगु अनुभवं भनीसं धात्थें सय्के सिइके मःगु मू ज्ञान छु खः ?

लिसः भिंतुना देछायो दिल । मजदुर परिवार, सकल ढवनामि (पाठक) पुं, भिंकामना याड च्वंपुं शुभेच्छुकपिन्ता यक्व यक्व सुभाय् देछायोच्वडा ।

छुंनं राजनतिक संघ-संस्था वा संगठने वाने न्ह्यौं उगु पार्टीया हःनेया पृष्ठभूमि च्वयो तःगु (न्यडा खाँय् मखु) ज्याभ्वः व मू आजु धवाथुइकेमः ।

नेपः देशे पुष्पलालजिनपां मेमेपुं मनूत ज्याड कम्पुनिष्ट पार्टी निस्वाड दिल । वि.सं. २००७ साल लिपा भारतीय एकाधिकार पुँजीं नेपाल कम्पुनिष्ट पार्टी बलात घःसा अमिता मछिनिगु खाँ थुइक, नेपःया कम्पुनिष्ट पार्टीया बद्नाम याड क्वःथय्गु मतिं वि.सं. २००८ साल पाखे 'प्रगतिशील कम्पुनिष्ट पार्टीया नां तयो जनकपुरे पर्चा हवल । उगु पर्चा हवःगु द्वपंखय् छम्हा भारतीय मनूता ज्वड येँ भद्रगोल जेले कुन । ला बलालिपा हे व मनूयाता जिमिम्हा मनूधायो भारतं त्वःतक यन ।

छुं नं देशे कम्पुनिष्ट पार्टी वा छुं नं राजनैतिक पार्टी निस्वांगु खाँ न्यनेवं (नेपःथें विकास लिने लागु देशे अजः) शासक वर्ग व सरकार नपां स्वापु दःगु थी थी संस्थातय्सं गाक्कं होसयाड सचेत जुइगु स्वाभाविक खः । उगु निस्वांगु संगठनं वइगु वर्गीय व राजनैतिक लिच्च (आँच) ता पानेता नपां उगु संगठनया ज्याभ्वः थुइकेता शासक दलं थःपुं मनू मसिइक दुथ्याक चि बःकाइगु व उकिया विरोधे अजगु हे ज्वः लागु संगठन (काउन्टर अर्गनाइजेशन) दय्किगु स्वाभाविक राजनैतिक संघर्ष खः ।

गथे नेपाल सरकारं थःता भिंजुइगु ज्याखय् सचेत जुयो ज्या सानि अथे हे खुला सीमाया हुनिं भारत सरकारं नेपःया (हरेक) छगू छगू राजनैतिक गतिविधि थथें वा लिपाथेक थःता छिनि लाकि मछिनि धाय्गु स्वार्थ मतिं ज्या सानि । वहे काथं खाने दय्क वा मदय्क थःगु

स्वार्थे घः मलाकेता ज्या साड च्वनिगु आश्चर्यया खाँ मखु । गथेकि नेपःया छम्हा पुलांम्हा प्रधानमन्त्रीया ग्वाहालिमि नीडादा-स्वीदा लिपा पुलिसया गुप्तचर धाय्गु सियेदता । अजपुं गुलिं गुलिं विद्यार्थीत जिल्ला-जिल्लाय् पुलिस कार्यकर्ता जुयो म्हासिइक ग्वाहाली याड ज्या साड च्वनि थजगु ज्याख्य् छगू हे राष्ट्रिय, भाय् व जातं अःपुक ग्वाहाली काइगु स्वाभाविक खः । ल्यासेल्याम्होया इलय् सिद्धान्त क्यच्चाड नुगः क्वसाय्क दुनुगलंसिं पाटीं ज्यासानि । उकिया अखः बैसं जःपुं मनूत प्याःनुगः (भावना) स्वयो थःगु स्वार्थ, जातीय नपां लिपाया जीवनया निंतिं धा धां धेबा व जागिर (पद) या निंतिं सरकारया ल्यू ल्यू वानि । सिद्धान्त थूंपुं, उगु पाटींया भावनां प्यापुं मनूत छगू पाटीं जुय धुनकिं उगु पाटींया खाँ छता ज्या छता व्यवहार जुलकिं निश्चित भावना व सिद्धान्तता गः क्यूगु सिलकिं उगु पाटीं त्वःत मेगु पाटीं वानेता मःजुइ । तर सरकारं परिस्थिति स्वयो मथां हे मेगु छगू पाटींता 'सिद्धान्तनिष्ठ पाटीं' जक बय् बय्याय् धुंकि । शासक दलं गुलिं इमानदार कार्यकर्तातय्ता कलेजे विश्वविद्यालय जानक, धेबाबियो अमिगु बानी स्यंकबि । अले सिद्धान्त धाय्गु ब्वसामारी थें किसीया पिनं खाने दःगु वाँ जक खः । मू आजुयां सरकारे वानेगु खः । सरकारे मवांक पाटीं तःहानी मखु अले ज्या नं दैमखु धा धां कार्यकर्तापिन्ता मखुगु लाँपु क्यड स्यंकेगु ज्या याइ । थःगु परिवारे ब्याक्क राजनीति खाँ थूंपुं मरुथाय् च्वपुं ल्यासे ल्याम्हो, गरिब परिवार व भतिचा हःकायो जुइपुं (युवा) ल्यासे ल्याम्हापिन्ता सत्ता मवानिपुं कम्पुनिष्ठ दलतय्सं लाँपु हिइक बिउगु उदाहरण यक्व हे दः । अथे मखुगु लाँपु वापुं विद्यार्थी नेता त अः मन्त्री जुयो अरबौं अरबया भ्रष्टाचारे लाड च्वंगु दः । नेमकिपाया कार्यकर्तातय्ता स्यंकेगु ज्या शासक दलं यागु खः । अथे नेमकिपां शासक दले वापुं कर्णाली व भेरी अञ्चलं मन्त्री व ठेकेदार जुयो स्यंपुं यक्व दः नपां मेमेगु जिल्लाय्पुं नं दः । सिद्धान्तं मप्यापुं

ल्यासेल्याम्होत स्यनिगु खः । ब्वड तःम्हा छगू इलय् नांचले जूम्हा नेता शैलेन्द्रकुमार उपाध्याय थजपुं बुद्धिजीवीतहे सरकारया पक्ष वांसेली पाटीं कारवाही यागु खः ।

धात्थेख्य्क कम्पुनिष्ठ सिद्धान्त थूंपुं व ज्यासाड नैपुं ज्यापु ज्यामिया निंतिं ज्या सानेगु मतिं पाटीं द्रहँ वपुं ताःईतक पाटीं ज्यासाड च्वंगु खाने दः । अले स्वार्थमतिं पाटीं दुने वैपिसं फुक्क नपां नुतुसुतु हायक मिलेजूथे च्वड थःगु दुःख काड छँ भुथु मच्यागु खां काड धेबाकायो लिता मबिइपुं संगठने नायो, छ्याञ्जे पदकायो जिल्लाय् थःगु पद क्यड सरकारी कार्यालय पाखें फाइदा काइपुं, थः काय्म्हाय्पिन्ता छात्रवृत्ति व जागिर नके मःपुं, ठेक्काकायो व मेमेगु आमदानीया ज्यासाड फाइदा काइपुं, शासक दलनपां सतीवाड सांसद व मन्त्री जूपुं नं म्हव मखु ।

सिद्धान्त कताड, विश्वासघातयाड ब्वलाड वपुं मनूतय्ता हे शासक दलतय्सं सांसद व मन्त्री पद ब्यूसेलिं अमिपाखें छु बांलागु आशा याय् फै ? भ्नीसं ध्वा थुइके मःगु खाँ श्वहे खः । हाकाहाकी लुटेयाड नैपुं, ठग व गुण्डातय्ता नपां जात, भाषा, राष्ट्रियताया नामे सांसद व मन्त्री दय्किपुं शासक दलया नेता तय्सं अमि पाखें मसिइक फाइदा कायो च्वंगु दै धाय्गु खाँ थुइके थाकुमजु । बच्छी शताब्दीस्वयो अप्वः राजनैतिक ख्यलय् ज्यासाडा गु अनुभवं थुलि सत्य खाँ क्वछिय् फःकि लाँपु चुकया धू, कू व नावगु गन्ध गथे भ्नीगु क्वथाय् द्रहँ वै अथे हे समाजया बाँला बाँमलागु पक्ष नं राजनैतिक दल दुने द्रहँ वैगु नं स्वाभाविक खः । समाज्य् बांलापुं मनू यक्व दः अले बाँमलापुं मनू म्हवजक दः । खराबपुं मनू तय्सं थःगु पाप व अपराध सुचुकेता मखु-मखुगु खाँ प्रचार याइगु जुल अले दुनेया खाँ स्यूपुं मनूतय्सं नं खःगु खाँ पिता ह्य् ग्याइगु जुल समाज्य् फुक्क शुद्ध, बांलाक थूंपुंजक 'दैगु खःसा शोषक वर्ग' अजपुं सचेत जनतातय्ता शोषण व शासन गथे याय् फै ? अथेजूगुलिं श्व फुक्क वर्ग संघर्षया लू (दृश्य) खः ।

समाज्य वर्ग व संघर्ष दःतले राज्यसत्ता दयो हे च्वनि । राज्यसत्ता दःतले शोषक वर्ग छल-कपट, जाली, फटाहा व भ्राङ्ग लाय्गु ज्यायाड हे च्वनी ।

न्ह्यसः पुष्पलाल नेतृत्वया कम्युनिष्ट पार्टीख्य मू गुथि केन्द्रीय सदस्यया दुजः जुयो नं ज्यासाड दिल । वैचारिक असहमति (पाःगु बिचः) या हुनिं मेगु पार्टी निस्वांगु जुल । उगु इलय् मेगु पार्टी दय्केगुखाँ पुष्पलाल जि नपां जूगु दःला कि मरु ? नेमकिसं (अःयानेमकिपा) निस्वाने धुंक वयकया गजगु प्रतिक्रिया बिचः बला ?

लिसः बिचः पाःगु खाँ मूगुथि (केन्द्रीय समिति) व मोबाइल ब्युरो (चवय्या समिति) नं तयागु खः । मूगुथिया बैठके खँल्हाबँल्हाया भ्रुवल्य थःगु पाःगु बिचः चवयो ब्यू धःगुलिं 'नेपः या कम्युनिष्ट आन्दोलने खोटा बिचः या खण्डन' व रुसी संशोधनवाद सामाजिक-साम्राज्यवादे पतन' नांया साफु चवयो बियागु खः ।

खँल्हाबँल्हाया भ्रुवल्य पुष्पलालजी तस्कं गम्भीर खानेदः । तर समितिया छुं दुजः त उग्रविरोधी खाने दःसा छुं दुजः त मौन, सुंक च्वड च्वन । अपुमध्ये छुं 'भापा समूहया एकता समिति' व 'मुक्ति मोर्चा' पाखें 'एमाले' जुवान ।

न्ह्यसः नेमकिसं निस्वाने धुडानं पुष्पलालजी व वयकं न्ह्यलुवा (नेतृत्व) जुयो न्हयाकद्यूगु पार्टी नपां

भारत नेपःतानं नेपाली कांग्रेस
व कम्युनिष्ट पार्टी पाखें-मेगु
बङ्गलादेश दय्केगु मतिं
न्हयाड च्वंगु जुल ।
बंगलादेशया आन्दोलने
भारतीय सैनिक हस्तक्षेप
जुसेलिं मुजिबुर रहमानपुं
सत्ताय वान । अले आनाया
कम्युनिष्ट मोहमद तो वा
थजपुं गनाताना सिय्हे मतः ।
नेमकिपा अजगु ग्वसः
(योजना) या विरुद्धय दांगु खः
निस्वांगु खः ।

गजगु स्वापु दथें ? पुष्पलालजी नपां दकले लिपा गना, गथे नपा लाडागु थें । लुमांसे बला थें ?

लिसः नेमकिपा चाय्के धुडानं पुष्पलालजी नेपाले भ्राङ्गु । उगु इलय् वयक तस्कं निराश खाने दः । उब्लेया मू गुथिया दुजः पुं मध्ये गुलिस्यां मने जि मूगुथि तय् ह्यता अथें हे येंया गल्लीं लुइक हःम्हा थें मति तैगु । छक जिं पुष्पलाल जिता मूगुथि विश्वास हे याय् थाकुपुं मनूत दःगुलिं जिं धाया :- 'छि अः अमिपाखें मुक्त जुय पनै मखुत ।' उकिं पुष्पलालजी थःता याकचा तायक च्वनि । राजनीति छपला द्रनकिं

उकियाता हुय थाकु, ल्हवने थाकु । पुष्पलालजिता भारतं न्हपा हे 'गुरिल्ला नेता' वा न्हपांम्हा माओवादी' वा 'जेठा प्रचण्ड' याय्गु मति तःगु खः । ब्लीज वापौखे कःगु छगू खँल्हाबँल्हा (अन्तरवार्ता) खय् उकिया संकेत खाने दः ।

लिपा डा. भी.एन. सिंह पाखें पुष्पलालजी तस्कं मफुगु खाँ न्यडा । अले दिल्ली यंकिखुनुं रेले वयक नपालात । दुर्भाग्य छुं दिन लिपा डा. भी.एन. सिंहया छें सुथाय् १० ताइलय् बी.बी.सी.या उर्दू समाचारे (बुखयँ) वय्क मदुगु खाँ न्यडा ।

न्ह्यसः उगु इलय् नेमकिसं निमस्वांगु जूसा नेपःया कम्युनिष्ट आन्दोलने गजगु प्रभाव लाइगु जुई ?

लिसः उब्ले नेमकिपा निमस्वांगु जूसा नेपःया कम्युनिष्ट आन्दोलने संशोधनवादया विरुद्धय थौंयाथें च्वत्तुक विरोध वा उलक्यनेगु (उदांग्ययाय्गु) मौका दैमखु । नेपःया कम्युनिष्ट आन्दोलन २० दा ३० दातक तस्कं कलङ्कित

जुयो च्वनिगु जुइ । तर जनतां बांलाक थुयानिं, चेतनाया स्तर दयानिं छगू धात्थें खःगु बल्लागु मार्क्सवादी-लेनिनवादी पार्टी दय्किगु पक्का हे खः ।

न्ह्यसः पार्टी अलग्ग मदय्कसैं वहे छगू तुं पार्टीख्य च्वड ज्यासाड च्वंसा छु पाइथें च्वं ?

नेमकिपाया बां बांलापुं भिपुं कार्यकर्तात म्वाः म्वाकं सिय् चाहेमजु । पार्टीयां दै अले लिच्व थौंयागु कम्युनिष्ट धःपिनिगु गति थें जुइ । च्वय् न्हि थाडा काथं छुं ई मन थातय् मलाक उखेथुखे लाय् फः । इलय् हे छाय् मल्वाडागु धाय्गु अनेक न्ह्यसः भीगु हःने थाने है ।

न्ह्यस : पञ्चायतया आपाहाकगु ई पुष्पलालजिं भारत या प्रवासे फुकल । छिं नं छगू दसक (करिब हिवा ई) प्रवासे हे च्वड फुक बिल । उगु ई भीगु देशय् च्वड हे र्वाड कम्युनिष्ट आन्दोलनयाता हःचिइकगुजसा अः याय्गु मभिं मछिंगु विभ्रुखलता चिइके फैगु खःला ? प्रवास जीवनं पुष्पलालजिया पार्टीयाता अप्व हे द्यागु (घाटाय लागु) खाने दः । मखुला ?

लिसः पुष्पलालजी भारतया प्रवासे माभी गुटया विरोधयासे संघर्षयाय्गु मतिं च्वड च्वंगु खाने दः । उकिं पञ्चायतया विरोधे नेपाली कांग्रेस याकचा मजुल । नत्र जसा नेपाली कांग्रेसया बहुमत संसदतय्सं उब्बेया संसद विघटन वा जुजु व पञ्चायतया पालिड वाने तांगु खः । माभी गुटं जुजु महेन्द्रता 'सिंहानुक' थें याय्गु मति अले भारत थुगु पक्ष मवल । भारतया कम्युनिष्ट आन्दोलन नं स्वंगू क्वचा जुय् धुंकल - संशोधनवादी भाकपा, भाकपा (मार्क्सवादी) व भाकपा (नक्सलाइट) व मेमेगु पुचः त ।

भारत नेपःतानं नेपाली कांग्रेस व कम्युनिष्ट पार्टी पाखें-मेगु बङ्गलादेश दय्केगु मतिं न्ह्याड च्वंगु जुल । बंगलादेशया आन्दोलने भारतीय सैनिक हस्तक्षेप जुसेलिं मुजिबुर रहमानपुं सत्ताय् वान । अले आनाया कम्युनिष्ट

मोहमद तो वा थजपुं गनाताना सिय्हे मतः । नेमकिपा अजगु ग्वसः (योजना) या विरुद्धय दांगु खः ।

न्ह्यसः नेमकिसं निस्वांगु ई व थौंया ईतक थ्यंबले पार्टीनायोया नातां छिं बः बियागु व मूथाय् (प्राथमिकता) बियागुलि गुलि पाड वगु दः ? उब्बे छिं छुकिता अप्वः बः बियो दिया अले अः छुकिता ? छाय् ?

लिसः उब्बे भूमिगत (सुचुक) ज्यासानेमः बले संगठन तःहाड वैगु नपां सैद्धान्तिक स्तरनं नपां नपां हे यंकेगुलि बःबियागु खः ।

खुल्ला परिस्थितिं नेमकिपाया संगठन गना ? गुलि व सुसु धाय्गु सियालिं प्रतिगामी व संशोधनवादी भी शत्रु तय्सं भीता स्यंकेता अपुल ।

अथे जुगुलिं अ नं भीगु मू खाँ सैद्धान्तिक स्तर थाकाय्गुलि हे लाड च्वंगु खः । सैद्धान्तिक स्तर थामकसिं संगठनजक जथाभावी तःहांकेगु खःसा चाःचाः हिल संशोधनवादीतय्ता हे फाइदा जू वानि । श्व व्यवहारं क्यंगु खाँ खः ।

न्ह्यसः नेमकिसं निस्वांसानिसैं थौं तकखय् अप्वः नेता कार्यकर्ता त कारबाहीखय् लात : गुलिसिनं त्वःत वाना गुलिसिनं धोखा बिल । थमनं दुःखासियो दय्कापुं कार्यकर्ता तय्गु उगु अवस्थां छिगु मने छु खाँ लुयो वै थें ?

लिसः न्हापा नेपःया फुककथासय् अस्पताल मदुबले वासया बांलागु व्यवस्था मरुबले मचात यक्व हे सीइगु । डिप्टेरिया थजगु ल्वंचं, छगूहे किसिमया ल्वंचं छम्हा मां या २ म्हा ३ म्हा मचात सीयेफ । उब्बे मापिसं जिम्हा मचा सीइगु हे खः । धाय्गु मति तै ।

वासयाय्गु सुविधा दय्वं म्हेगया दुःख थौंया मापिसं स्वय् म्वल । काय्म्हयाय् पिनिगु बिचः व माया नं पातः । अले भिड वथें जुल ।

अथे हे सैद्धान्तिक ज्ञान व राजनैतिक संस्कृतिं तस्कं

कमजोरपुं मनूतयुसं जक सिद्धान्तता विश्वासघात याड-
न्ह्यो वानेगु ज्या याइ । थुगुल्याखं विश्वासघातीत म्हव
अले इमानदारीपूर्वक पार्टी, देश व जनताता माया
याइपुं कार्यकर्ता त यक्व दः ।

**न्ह्यसः ४५ दाया पार्टी जीवन छिं गज गजगु स्वभावया
कार्यकर्तातनपां ज्या साड दिव् धुन ? छिं विशेषत
गजपुं कार्यकर्ताया मनय् तथा दिया ?**

लिसः ४५ दाया पार्टी दय्केगु राजनैतिक यात्राया भूवल्य
सरल स्वभावया (मजदुर किसान) ज्यापु ज्यामित नपां
क्वातुगु व लुमुगु स्वापु दत । फाइदा काय्ता अले
पार्टीपाखें सय्क थःगु स्वार्थ पूर्वाकिपुं विश्वासघाती
मनूतय्ता जनतांनं मिखालेवांगु धू भःपियो तसिकं
थुकलं बियो घृणा यागु नं खाडा ।

**न्ह्यस : कर्णाली अञ्चले कम्युनिष्ट आन्दोलनया
प्रचार मजुबले तस्कं थाकुगु व मछिंगु इलय्
नेमकिपां संगठन दय्कगु खः । उगु ज्याभूवः
अथें जक जूगु खःलाकि मतिगवयो हे जूगु खः ।**

लिसः मतिगवयो हे ज्या याडागु खः । उगु थासं पश्चिमया
पहाड व मेमेगु जिल्लाया जनताया सेवा याय्गु आजु
तयो आना संगठन दय्कागु खः । पार्टी खुल्ला जुय्
धुनेवं राजनैतिक संघर्षया पहः हे पात ।

**न्ह्यसः पार्टीया ज्याभूवः लिफतं पुल स्वय्बले नेमकिपा
आन्दोलन व संघर्षया इलयजक हःने वडगु मेबले
छगू कुलाने च्वड च्वंगु थें च्वं धाइपुं नं दः ।
पञ्चायतया विरुद्धय संघर्ष यायां प्रतिगमन विरोधी
आन्दोलन भारतीय नाकाबन्दीया विरुद्धय
आन्दोलनतक स्वयबले नं अथे हे खाने दः । थ्व
खाँखय् गुलि सत्यता दःथें ?**

लिसः थुकि सत्यता दः । भीगु दे थी थी जातजाति, भाय
व राष्ट्रियता दःगु दे खः । छगू नेगू जात व भाय्या
मनूत जक सत्ताय् दः । अकिं निश्चित जात व

भाय्या मःगु स्वयो अप्वः प्रचार नपां प्रभाव नं दः ।
उकिं नेमकिपा बडाराष्ट्र अहंकारवादं पीडित जुयो
च्वंगु दः । भारते अब्दुल कलाम आजाद तस्कं लोकं
हवाम्हा, यक्वसिया मंदम्हा निष्कलङ्कित नेता जूसां
वयकया योगदानकाथं वयकया दृष्टिकोणया चर्चा
मजुगु स्यूपिसं धायो वयो च्वंगु दः । अथे हे भारतीय
कम्युनिष्ट आन्दोलने रणदिबे व मेमेपुं सुं सुं नेता
तय्गु मःगु काथं चर्चा मजुगु खाँ स स्यूपिसं धायो
च्वंगु दः ।

**न्ह्यसः नेपः वा विश्व राजनीतिया थौंया परिस्थिति
नेमकिपाया भूमिका छु जुई ?**

लिसः हिन्द प्रशान्त व एसिया प्रशान्त क्षेत्रीय सैनिक
गठबन्धनया विरोधे संघर्ष याय्मःगु खाने दः । नेपः
देशं गथे स्वतन्त्र, सार्वभौम व तटस्थ अले असंलग्नताया
नीति ज्वड वयो च्वंगु खः वहे नीति काथं हज्यात
धःसा देश व जनताया भिं जुइ । उकिया अर्थ खः
पञ्चशीलया परराष्ट्रनीतिं नेपः व जलाखाला देयाता
नं शान्तिपूर्वक अले मिलेजुयो हज्याय्ता ज्याछिनिगु खाँ
धाय् मालिथें मच्चं । नेमकिपां पञ्चशीलया सिद्धान्त
व असंलग्नताया पक्ष अजनं बः बियो च्वडा ।

**न्ह्यसः पार्टी निस्वांगु भिं दिया लसताय् छुं खाँ धायो
दियमःगु बःनि लाकि ?**

लिसः थौं तक मदिसें देश व जनताया भिं जुइगु ज्याखय् थः
थःगु थासं फयां फक्व ग्वाहालीयाड वयो च्वंपुं कार्यकर्ता
पासापुं, समर्थक व भिं कामना याड च्वंपुं हितैषी पासा
पिन्ता शुभाय् देछायो च्वडा । वडगु इलय् नं पार्टीया
ज्याभूवः खय् अज अप्वः दुनुगलनिसें लय्तायो उत्साह
नपां देश व जनताया निःस्वार्थ रुपं (सेवा याय्ता)
हज्याय्ता व्वड च्वंगु दः । संशोधनवादया विरुद्धय
भीगु संघर्ष अभ् कसिकक हज्याइ । फुककसिता
क्रान्तिकारी सलाम ॥

२०७५ माघ ८ गते (श्रमिक साप्ताहिक पाखें ल्हययो कायागु)

सरकारं सहूलियत दरं मःगु सिँ व धेवा बिल धःसा पुलांगु ख्वपया ख्वः जनतां मथां स्वय् दै – नगर प्रमुख सुनिल प्रजापति

२०७५ माघ ८ गते नगरेन्द्र सापकोटा नपां गोरखापत्रे ख्वप नगरपालिका प्रमुख सुनिल प्रजापतिजुया खँह्वाबँह्लाः-

न्ह्यसः ख्वप नगरपालिका पुलांगु अले ऐतिहासिक नगरपालिका खः । नगरपालिकां फोहर मुनेगु नपां व्यवस्थापन गथे याड च्वंगु दः ?

लिस : फोहर व्यवस्थापन फुक्कसिया चुनौती जुयो च्वंगुदः । ख्वप नगरपालिका दुने न्हिच्छीया ३० गू टन फोहर प्याहाँ व । उकिमध्ये ७० प्रतिशत ध्वगीगु व बाँकी ३० गू प्रतिशत ध्वमगीगु फोहर प्याहाँ वइगु अनुसन्धानं क्यड च्वंगु दः । नगरपालिकां ध्वगीगु दक्व मुड (कम्पोष्ट मल) नेपालीस दय्क किसानतय्ता दांक मियेगु व ध्वमगीगु छखेलीक तय्गु व्यवस्था याड वयो च्वंगु दः । उकिया लागिं छँखाली नेगः बाल्टिन बियो छन्हु आँत ध्वःगीगु व ध्वमगीगु फोहर मुड हयो च्वंगु दः । श्व ज्या स्थायी समाधान (लिपाशयंकया समाधान) धःसा मखु । लिपाशयंकया स्थायी समाधानया निंतिं (विज्ञत) सःस्युपुं नपां सल्हाबल्हायाड वय्कपिनिगु छगू पुचः दय्क ज्या हज्याक च्वंगु दः ।

न्ह्यसः ख्वप नगरपालिका दुने भ्वखा ब्वयो दुगु सम्पदा, छँ दानेगु ज्या गना तक थँकला अले निजी छँदानिपुं नगरवासीतय्ता



सुनिल प्रजापति

नगरपालिकां गुकाथं ग्वाहाली याड च्वंगु दः ?

लिसः ख्वपे ७२ सालया भ्वखाचां अपः नोक्सानयागु थाय् (अति प्रभावित जिल्ला) मध्ये छगू खः । ख्वप नगरदुने पूर्ण व आंशिक क्षति (छखातलं व बाखा) छँ दुपुं ल्याखाय्बले भ्रण्डै च्याद्व छेखाँय् क्षति जुलसा सच्छिव स्वीगू स्वयो अप्वः सम्पदात दुत । अः ल्हवनेगु ज्या चतारं जुयो च्वंगु दः । अः तक नगरपालिकां स्वीन्ह्यगू सम्पदा ल्हवने सिधय्कगु दःसा दर्जनौ सम्पदा ल्हवनेगु ज्या न्ह्याक च्वंगु दः । पुरातत्व विभागनं गुलिं सम्पदा ल्हवने

धुंकगु दःसा गुलि ल्हवड च्वंगु दः । निजी आवास अथे धाय्गु थःगु छँ दानेदक न्हपांगु किस्ता (धेवा) कःपुं ५,५६८ (डाढा व डास व खुइच्याम्हा) दःगुलि नेगूगु किस्ता कःपुं मुक्कं १३६७ (हिंस्वस व खुईन्ह्यम्हा) जक खाने दः । अले स्वंगूगु किस्ता कःपुं हिं न्यसम्हा जक खाने दः । ख्वप नगरपालिकां चांदानिगुलि नक्सा दस्तुर फुक्क छुट अले सिमेन्टीं दानिगुलिं स्वब्वय् छब्व अर्थात् ७५ प्रतिशत छुट बियो च्वंगु दः । नपां नेवः पहःया मौलिक शैलीं दानिगु छँखाता हःनेया मोहडाय् छयलिगु अपा, सिँ व प्वल्हँअपाखय् खर्च जुइगुलि ३५ प्रतिशत सच्छीखय् स्वीडार्का धेवा अनुदानकाथं ग्वाहाली याड वयो च्वंगु दः ।

न्ह्यसः शिक्षा क्षेत्र नगरपालिकाया लाहातय् मबबलेहे ख्वप नगरपालिकां थुगु लागाय् ब्वय्लाइकगु ज्यायाड केने धुंकगु दः । अयां शिक्षा क्षेत्र फुक्क स्थानीय निकायया लाहातय् वय धुंकसिलीं ख्वप नगरपालिकां शैक्षिक गुणस्तर थाकाय्या लागिं छु छु ज्या साड च्वंगु दः ?

लिसः ख्वप नगरपालिकां नेगू इञ्जिनियरिङ कलेज नपां खुगू कलेज

व छगू मावि स्कूल चाय्क वयो च्वंगु दः । उगू शैक्षिक संस्थाय मनाड बाहेकया ७६ गू जिल्लाया ब्वनामिपुं ब्वड वांगु जुल । अः नं ६५ गू जिल्लाया ५६०० म्हा ब्वनामिपुं ब्वड च्वंगु दः । संविधानं मावि तगितकया जिम्मा स्थानीय निकायता ब्यूसेलिं ख्वप नगरपालिकां शिक्षा ऐन दय्कगु जुल । ऐनअनुसारं फुक्क स्कूलय् व्यवस्थापन समिति निस्वाड अले स्थानीय पाठ्यक्रम दय्क ब्वंके बिया । ब्वनिपुं व ब्वकिपुं मास्तरत अनुपात मिलेयाड गुलिं स्कूलया हेडमास्तर व मास्तरतय्ता काज सरुवा याडा । सामूदायिक व निजी स्कूलय मपाकेगु काथं सामूदायिक स्कूलया मास्तर तय्ता मन्टेश्वरीया तालिम बियो उकियाता मदिकक अनुगमन यायगु ज्यायाड च्वंगु दः । फुक्कं धाय्थे ज्याभ्वः खय् नेगू (सामुदायिक व निजी) याता नपां यंकेगु ज्या जुयो च्वंगु दः । अंग्रेजी, नेपाली, गणित, विज्ञानया मास्तरतय्ता तालिम बियो मदिकक अनुगमन याड च्वंगु दः ।

न्ह्यसः ख्वपय् चाह्यू वैपुं पर्यटकतय्ता ख्वप नगरपालिकां छु छुं बांलागु व्यवस्था याड च्वंगु दः । अले ख्वपे चाह्यू वैपुं पर्यटकतय्ता लो वांकेगु आकर्षणया छु छु ज्या याड च्वडागु दः ?

लिसः ख्वप द्रहं वय्गु हिप्यपु लाँ (नाका) दः व फुक्कथासय् नगरपालिकाया कर्मचारीत च्वड पर्यटकतय्ता ग्वाहाली याइ । पुलांगु सहरे द्रहं

वैपुं पर्यटकत मध्ये (गैरसार्क) सार्क राष्ट्र बाहेकया पिन्ता १५०० दां (हिंडार्का डलर) सार्क व चिनियाँ पर्यटक तय्ता ५००- डास दां काय्गु व्यवस्था याड तयागु जुल । अले नपां ख्वपया म्हासिइका पौ छपा नं बियगु याइ । अले ख्वपया विषयलये सिइके मपिन्ता खौमाय् पर्यटक सूचना केन्द्रया व्यवस्था याड तःगु दः । अले नगरपालिकां तालिम यापुं लाँजुव तय्सं लाँपु कानेगु नपां मःगु ग्वाहाली याइ । थाय् थासय् शौचालय् व भ्वखाचां थुगु सम्पदात ल्हवनेगु ज्या जुयो च्वंगु दः । अप्व चिनियाँ पर्यटक त वयो च्वंगुलिं नगरपालिकां हे चिनियाँभाय् स्यनेगु नं याड वयो च्वंगु दः ।

न्ह्यसः ख्वप नगरपालिका दुनेया ऐतिहासिक, धार्मिक व पर्यटकीय थाय् ल्हवनेगु ज्या गुब्लेतकया दुने सिधय्केगु जुइ, अले ख्वपया स्थानीय पिसं गुब्लेनिसं पुलांपहःया कलात्मक ख्वप दे स्वय खानी ?

लिसः ख्वप नगरपालिकाया तःतहांगु सम्पदा छगू नेगूबाहेकं मेगु फुक्क सम्पदात मथां हे ल्हवने सिधय्केगु काथं ज्या जुयो च्वंगु दः । भैल देगः ल्हवनेगु ज्या जुयो च्वंगु दः । बत्सला देगः बच्छी स्वयो अप्वः दाने धुंकगु दःसा केदारनाथ देगः दाने सिधल धःसां ज्यू सिद्धिलक्ष्मी जाय् हे धुंकल । ताहा फल्चा, फसिदेगः ल्हवड च्वंगु हे जुल । पुलांगु नगरपालिका भवन लाय्कुली च्वंगु कला संग्रहालय् दःगु लाल बैठक

थजगु तःतःहांगु सम्पदा त ल्हवनेता भाचा अप्वः ई काइ । थजगु ज्याखय् विदेशी सहयोग छतिं हे कायागु मरु । नगरपालिकाया थःगु हे स्रोत स्थानीय जनताया ग्वाहाली व उपभोक्ता समितिमार्फत् अमानतं (ज्यालां) ज्यासांक वयो च्वंगु दः । छुं भति ई कःसां थःगु हे पहःया मौलिक शैलीखय् भ्नीगु सम्पदा ल्हवनेगुलि बः बियो च्वडागु दः । सरकारं सहूलियतकाथं सिं व दां ग्वाहाली ब्यूसा पुलांगु शैलीया ख्वप दे जनतां मथां स्वय खानी ।

न्ह्यसः नगरपालिकाय् जनप्रतिनिधित त्याकः वयानि विकास व सुशानया छु छु ज्या जुल ?

लिसः २०७५ साल जेठ ७ गते जनप्रतिनिधिपिसं पद लःल्हाड जिम्मेवारी कुबिसेली विकास निर्माण ज्याभ्वः अपलं हज्यात । भ्वखाचां स्यंकगु सतः फल्चा, ल्हवहिति, पुखु मठ-देगः ल्हवनेगु ज्या अपलं हज्यात । १६५३ पि दुनेया देको मिवाइतापाखे व्यवस्थित आवास योजनाया ज्या मथां मथां न्ह्याकल । भनपा ९ या चोखा, तुमचो दुगुरे आवास योजनादुने लाँ पीच याय्गु त्वनेगु नाः व बिजुलीया व्यवस्था याय्गु ज्या जुयो च्वंगु दः । २५ गू शैय्या ख्वप अस्पतालया भवन दानेगु ज्या न्ह्याक च्वंगु दः । उगु भवन सच्छीगू शैय्या क्षमताया काथं दानेगु खः ।

ख्वप नगरपालिका न्ह्यकं स्वय्थे पारदर्शी याइगु नगरपालिका खः ।

श्रीपञ्चमी

● ओम धौमारी

भ्रीगु देय थी थी नखाचखां तसक्क हे नांजगु छगू थाय खः । थाना दाछिं यंक न्ह्याईगु थी थी नखाचखाय श्वहे माघ शुक्ल पंचमीया दिं याता श्री पंचमी धायेगु चलन दः । अथेयां श्व माघ लच्छि हे धार्मिक महत्व दःगु लय ख । उकिं नं श्व श्री पंचमीया थगु हे महत्व दः । थुखुन्हुं विद्याया देवी कथं म्हास्युम्हा ससुद्यःयाता पुजा आराधना यायेगु विशेष दिं ख । थुखुन्हुं ख्वपया भिसीख्यलय च्वम्हां ससुद्यः (निल सरस्वती) थाय आख स्यन्येगु तातुङ स्यनामी त पुजा यो वानेगु याई । नकतिनी आख च्वयेगु कुतः याईपुं मचातयता श्वहे थासय दक्कले न्हापां आख च्वकी । मचातयता थाना दक्कले न्हापां न्ह्यागु नं ज्या यायेता पुजा आराधना यायेमम्हा गणेद्ययाता नमस्कार यड “श्री गणेशाय नमं” आखः च्वकी । उकीलिपा सिध्द महापुरुषतयता नमस्कार यड “नमं सिध्दं” च्वई । अले श्व हे विद्या व वाणीया देवी ससुद्यः याता नमस्कार यड “ॐ नमो वागिश्वराय नमः” आख च्वई । ससुद्यया दर्शन याई । “सरस्वती मया दृष्टी, हसं बाहां हंसं संयुक्ता विद्या देवी देही सरस्वती” धधं मनं मनं ससुद्यः याता आराधना याई पांमथ्याक स्वंगः जाकी वां मथिक्क घुतिनी । ल्हासापाखे निसें वम्हा ससुद्यः या तुति स्यात ज्वी धायो तुतिई पालीई चिकं बुकिई । थजगु चलन ख्वपय जक मखु , श्व स्वनिगःया थायथासय यायेगु चलन द । उकिं नं ख्वपदेय्या पुर्व पाखे छगु वागिश्वरी धःगु थासय ल्हासापा ससुद्यः न्हापा निसें हे पलिस्था जुयो च्वंगु द । श्व थासय लच्छि हाँ निसें हे आइतबार व बिहीबार खुन्हुं ख्वपयबासीत ल्हासापा ससुद्यः याता दर्शन यो

वानी । ख्वपया मुलाँला , लाँचापलि जुयो दुरुमारी दयेकिगु थासं ल्हासापा ससुद्यः थाय वानीगु परम्परागत लाँपु ख । थौकन्हय श्व थासय तक मोटर वानिगु लाँपु दत । उगु थासय थथे लच्छि तक आइतबार व बिहीबार मेला जुयानी श्वहे श्री पंचमीया दिन खुन्हुं श्व थासय नं ससुद्यः दुहँ बिज्यागु दिं काथं कायेगु भक्वलय तापाक्क निसें बिज्याम्हा द्यः याता भिसं थथगु थासय दर्शन पुजा आराधना यागु खः । ब्रम्हवैवर्तपुराणया प्रकृति खण्डया कथं भगवान श्रीकृष्ण नं ससुद्यः प्रति लयतायो बरदान बिउगु जुयो तुईस्से च्वंगु पदमासनय तुईस्से च्वंगु वस पुड , जव ल्हातय साफू व खव ल्हातय अभय मुद्रा बर बियो मेगु निपा ल्हातं विणा ज्वड च्वम्हा ससुद्यःयाता पुजा यायेगु दक्कले बांलागु दिन श्व हे श्री पंचमी खः । भ्रीथाय ससुद्यः याता शारदा, हँसबाहिनी, जगन्माता, वागीश्वरी, कौमारी, बरदायीणी, बुद्धिदात्री, ब्रम्हचारिणी, चन्द्रघण्टा, भूवनेश्वरी थें थी थी नां खनं म्हास्यु । नेपालमण्डलय बौध्द धर्मया परम्परा नापां महामञ्जुश्रीया स्वापु दः । महामञ्जुश्री ल्हासाय निसें बिज्याड श्व थासय स्वचा स्वन्हुं बाय् च्वड श्व थासेया तधांगु पुखुया ना फुक्क क्वइनाया गुँ छ्यड पिता छवयो स्वनिगःलय मनू च्वने जि कल धायेगु न्यनाबाँख द ।

श्व त्वत श्री पंचमी छगू तसक्क बांलागु दिन नं खः । थुखुन्हुं ब्याहा, इहि, कयेता बियेगु थजगु भिंगु ज्या यायेता दिन स्वये म्वः । धार्मिक बाखँ काथं महाद्यः व सतिदेवीया इहिपा श्वहे श्री पंचमी खुन्हुं जूगु जुयो थथे धगु खः । अले थुखुन्हुं निसें बसन्त ऋतु नं न्ह्याई धायेगु चलन द । ऋतुराज बसन्तया आगमन जुगु दिन जुयो श्व दिन याता बसन्त पंचमी नं धाई । थुखुन्हुं निसें नेवः समाजया दाफाय् बसन्त म्ये हालेगु याई । श्व छगू तधांगु महत्व दगु जुयो थुखुन्हुं नेवतयगु गुठी नं न्ह्याई ।

थानाया फुक्क ज्या जनताता कानेगु मतिं भक्तपुर -‘लयपौ’, ख्वप पौ नेपालभाषा पिथना, फेसबुक पेज, भक्तपुर खबर डटकम अनलाइन पत्रिका, व एफ.एम.या ज्याभक्वः न्ह्याक च्वडागु दः । थुगु नगरपालिका भ्रष्टाचार मजुइगु नगरपालिकामध्ये छगू खः । विदेशी धेबां न्ह्याकिगु छुं नं गैरसरकारी व अन्तर्राष्ट्रिय गैरसरकारी संस्था तयसं नगरपालिका स्वीकृतिविना थाना छु नं ज्या याय् फैमखु ।

दैमखु ।

न्ह्यसः नगरपालिकादुने त्वनेगु नाःया तहांगु समस्या खाने दयो च्वंगु खाँ न्यने दः । उगु समस्या ज्यंकेता छु छु ज्या याड च्वडा ?

लिसः ख्वप नगरपालिका दुने त्वनेगु नाः या मुहान व स्रोत मरु । थौतक नगरकोट व बोडेया नाखं हे नगरवासी तयगु जीवन न्ह्याक च्वंगु दः । जनसंख्या अप्वः जुयो वसेलिं त्वनेगु नाःया समस्या भन् भन् बढे

जुयो वल । ख्वप नपाःया वडा नं. १ सल्लाघारी, ७ वडा, ९ वडा तुमचोय् डीप बोरिङ्ग याड च्वंगु दः । थुगु थासय नं ट्यांकी दय्केगु ज्या जुयो च्वंगु दः । ज्या सिधय्वं उकिं छुं भति ग्वाहाली जुइगु मति तया ।

मेगु विकल्प ‘मेलम्ची खानेपानी’ हे खः । उगू व्यवस्था वलकिं अःपुइगु आशा याडा । चिकुलां भनपां त्वाल्य् त्वाल्य् ट्यांकरं नाः इड बियगु ज्या याड वयो च्वंगु दः ।

आसमाया लिहाँ मवः

थः मिजं तान्त्रिक विद्या सःम्हा धाय्गु खाँ तम्हा पासापुं व जलाखालां धाय् निं आसमायाया मने धौबजी वाःल । धाथिं श्व खाँ खैला ? खः सा ईहिपा याडागु तः दाँ दयानं जिता मिजंनं छाया मधाला जुई ? तसकं जः म्हा तान्त्रिक सम्हा खः सा मिजं नं श्व खाँ जिता छाया मधाला जुई ? आसमायाया मने चितासु मत । वया मति तलः, थौं श्वो खाँ सीकः हे त्वतेगु जुलः । छपा लासाय् देडानं थुलि जाबो खाँ हे थुइके मफुसा जि छुया मिसा जुला ले ?

भतः छँ वबलय् आसमाया फाडां पुयो चँचवन । मिजंम्हा भुतुलि थाहाँ वान, जासीकेसी साड्कलः । अहँ छुं छुं हे मदु । मिजंम्हा आजु चालः । बहनी जुयधुंकल, न जा बु, न क्यँ बु । आसमाया याता छु जुल थौं ? मने खाँ ल्हाकल्हाक कोथाय् दुहाँ वल ।

मिसाम्हासित वास्या वास्या साड्क वं धाल-
“छंता छु जुल । आसमाया थौं ? जा न थुयोमतनि । छु जुलः धः ।”

आसमाया छुं ई तक छु नं मतःम्हाथिं च्वडका मिखा तिसिडा चवन ।

“छु जुल छन्ता ? धः ।”, मिजंम्हासिं नेनेगु त्वमतल ।

आसमायां तीजक मिखा प्व चाय्कल । मिखा दंक ख्ववि तयो धाल, “जिता न्ह्यागु जुसां छिता छु च्युता ?”

वयागु पहः खाडा मिजंम्हा आजु चाल । छु धःगु जुइ दक, वाल्ल जुयो चवन ।

“छु जुल छन्ता ? छ्यँ (कपः) स्याताला ? प्वा स्याताला ? तुति स्याताला ? कि थिमिया थँछे लुमँ वला ?”, मिजं नं धाल ।

आसमाया नं ख्व खना सरं धालः, “इहिपा याडागु ता ई दय् धुंकल । छिं जिता अतकनं विश्वास याड मदिनिक ल्हा ?”

“छु धाय्गु आसमाया । छन्ता हे विश्वास मयासा जिं सुयाता विश्वास याय्गु ?”, मिजंम्हासिं धाल ।

“अथे खसा छाया जिता छगू खाँ सुचुक दिया ?”, आसमायाया ख्व सरः म्हो मजुनि ।

“जिं छु खाँ सुचुकला ? गो जिं अथे छुं हे खाँ सुचुका थिं मताय्का ।”, आसमायाया भुलुसुलु दाङ्गु साँ पाचुक ब्युब्यु मिजं नं धाल ।

अः धःसा आसमायाया मनय् मौका श्व हे खः धाय्थिं ताय्कल । वं धाल, “छियां तधांम्हा तान्त्रिक हँ नि सा । देसे दके तान्त्रिक विद्या जम्हा हँनिसा छि ।”

मिजंम्हा सिया छु धाय् छु मधाय् जुल । पलखः इतिमिति कान । खः धांसां दण्ड, मखु धांसां दण्ड जुइगु ताय्कल । खः धाय् मिसां छाया मकाडागु दक तँ म्वय्किम्हा जुल । मकाने, छन्हु यां श्व खाँ आसमाया नं सिइगुहे तिनि ।

मिजंम्हा आसमायाया उत्सुकतां भयव्युगु ख्वः स्वयो वातां च्वडचवन ।

“धायो दिसं खः ला कि मखु ?”, आसमायां अभ् न्हयसः तल ।

मिजं नं धाल, “खः आसमाया जि तान्त्रिक विद्या सया ।”

“अले छिं छु छु याय् फया ले ?”, आसमाया ख्ववि हुहं न्यन ।

“तःता याय् फया ।”

“जिं गथे विश्वास याय् छि धाथिं तान्त्रिक विद्या जःम्हा खः धक ?”

आसमायाया श्व न्हसः याय्गु मिजंम्हासिनं गुकथं लिस बिय्गु, व्याके खाँग्वः मत । वं धाल, “जिं तान्त्रिक विद्याया हुनिं जिगु छगू अवतार ब्वय् । तर, श्व खाँ छुं सुयातां धाय् दैमखु । ज्युला ? जिता वचन बिया ।”

आसमायां सुयातां धाय्मखु जक वचन विल ।

मिजंम्हा धुकु कोथाय् दुहाँ वड जाकि छम्हु ज्वड

वल । तान्त्रिक विद्या कथं जाकिख्य् मन्त्र यात । अले आसमाया याता बियो धाल, “जि तान्त्रिक विद्या छ्यल नाग जुय । जि नाग जुयो छुं ई लिपा छं श्व जाकि जिता छायो बिया । अले जि मनुया रूप्य लिहाँ वय् ।”

आसमायां उत्सुक ख्वालं ज्यु धाल । धाथिं पलख लिपा आसमायाया भःत ताहाकम्हा सर्प जुल । मिखा प्वाला प्वाला थिम्हा, म्हाछिं सुलुक्क च्वंगु बाना दःम्हा, मेचः पिकायो च्वंम्हा सर्प । थगु न्ह्योने च्वंम्हा भःतः या थासय् उम्हा सर्प खड् छकयां आसमाया त्वल्हे जुल । पलखः लिपा वयागु मनय् गनानं वला गनानं, दुनं निसिं ग्यापुयो वगु ताय्कल ।

ग्यापुगुया त्वदं आसमायां ल्हाते दगु जाकि बाँय् वाकलः । अले व कोथां पिने बिस्से वान । नाग या रूप धारण याम्हा मिजं इतिमिति कान । आसमायायागु ल्हाते च्वंगु छगः जक जाकि वयागु म्हाय् लातःधाय्वं मनुया रूप्य लिहाँ वईगु जुयोचवना । तर, आसमाया जाकि बाँय् वाक बिस्स्य वान । आसमायां ल्यु ल्यु वान जाकी छ्वाकिगु आसं सर्प नं । आसमाया सर्प थता ल्यु वगु भःपियो थः मिजं लुमाडुकल । व छें पिने बिस्स्य वान । सर्प वयागु ल्युल्यु वयोतुं चवन । आसमाया भनभन बिस्स्यो वन । आखिरय् सर्प या रूप धारण याम्हा मिजं निराश चाल । छुं हे लापुं ल्यं मदायानिं व ख्वपः देया तःपुखुलि च्वँ वन । आनांनिसिं वयागु वास आनासं जुल ।

ग्याजिलां आसमाया थगु थछें थिमि बिस्स्युवाना । थगु घटना लिपा तः पुखुलि थिमि देया सुनं मिसात दुहाँ वन धःसा ‘लुयो काय्यो धाय्गु’ प्रचार जुल । थिमिया मिसात अनं दुहाँ वने ग्यानि । तान्त्रिक सम्हा आसमायाया मिजं अ नं आना छन्हु थः मिसा थमं मन्त्र बियागु जाकि ज्वड् वयो थःता मनूया जन्म लिता बिइतिनि धक पिड् च्वड्गु दनि धायगु धापु द ।

न्यडागु बाखँ, खला मखुला जिं मस्या ।

संकलन : नीरज

(आसमाया नां संकलक थम्हं तगु खः)

(सं.- श्व किम्बदन्ती छगू काथंया जक खः)

चिनासँ

हाकुसीं दाजु !

● न्हुंखेरतन बुद्धाचार्य

सदियौनिसेया खिउँगु लायँ

ख्वबि ख्वबि प्याना म्वाना च्वंपिनिगु पुचले

दासतामुक्त जुइत ल्वाना च्वंम्ह

श्व धरतीया छम्ह चेतनशील ज्यामी !

ल्वहँतय ग्वतुला सर्गफाया

वा पाँ निभा मधासे परिश्रमयाना

पित्याया वेदनां घाःघाः जुया च्वंम्ह

थौं या जनयुगया संघर्षशील पीडित मानव !

कू तक् ईचाः मुगचाया चतिः

प्रत्येक गोदाम दुने दोलंदो सिनाज्या व सामाज्याया मोती

असत्य दक्वोंमुकां प्वाः तग्वेका च्वंपिस चुसय याना तःगु

थःगु हिचति लित कायत विद्रोह याना च्वंम्हा हाकुसीं दाजु !

तर, श्व वर्तमाने

विरोधया सः उठे जुया च्वंगु प्रत्येक बस्ती

घालंघालं ब्वलनावगु अभियान

थःगु स्वार्थया शिकार तातुना च्वंपिनिगु अन्यायया विरोधे

मर्का असन्तुष्टि व अभाव तय्गु

बिस्फोटनया मागत पिज्वयावइ

अन्यायी व ख सुनां अन्याय सहयाइ

श्व लाखौंलाख पीडित मानवतय्गु मुक्तिया सः

गुञ्जेजुया च्वनि श्व धरती व आकाश न्यंक

अले, मिखांखनि, मिखाया लिस

नुगल्य् श्वै नुगया सः

श्व च्वापुँया गुईं गन मिदइ

अन पीडित मानव दइ

गन शोषितं पला न्ह्याकि

अन मिप्वाः च्यानाः वइ

सिना सिना म्वानाः चाय बुत्तुबुला सिइक्वात्तुक्वाना च्वंपिनिगु

छखा छखा भिखाछँ पिब्वया च्वंगुसलं

ह्युपाया मिजला खने दयका बिइ

अले, श्व चकंगु दबुली न्ह्यलं चापिं तुतित सकलेंदनाः

थःथ दथुइ नुगःया ब्यथाउलाक्यना

प्रत्येक ज्यामीतय्गु तपस्या, म्हगस पुवांकेत

मनया दुने मिब्वया वपिं विद्रोही हाकुसीं दाजु पिनिगु साहस

मुक्तयासलं उन्मुक्तजुया पिज्वगु शक्ति

श्व सदियौ निसैया खिउँगु लँ चकंका

अले, न्हुम्ह सुर्य लुयावइ श्व धरती व आकासे तुइजला खनेदइ !



नगर प्रमुख सुनिल प्रजापति महोत्तरीयागु चिनी कारखाना अवलोकन भ्रमण (२०७५ माघ १५)

ति बाखं

खाँ छखे ज्या छखे

आशाकुमार विक्रमज्जार

बा बा मोबाइल छक ति ।
मोबाइल छक ति । मचां ब्वाम्हासिके
मोबाइल फोड तं चवन ।

ब्वाम्हा भर्केजुजुं धाल-
छाय्माला छन्ता मोबाइल । अः होमवर्क
यो । खाली मोबाइल, मोबाइल । बा
आखः ब्वं ब्वं दिक्क जुल । पलख
जक क्याण्डी क्रश म्हेतेगु । मचां हेके
पहलं धाल । दःनिबा ! ओहो व गेम
म्हेतेबले गजगु हाँय्पु । जि पासा स्वयो
जिं अप्वः ल्या ह्यग्गु मति तयो जक

बाकय् मोबाइल फोड च्वडागु । छक
तियो बा । छक ति यो । मचाया जिदी
स्वस्वं बौम्हासिनं । मचाता ब्वोबिल ।
मोबाइल धाय्गु छु गेम म्हेतेताला ।
उलिमछिं थिकेगु स्कूले ब्वंक तयागु छु
गेम म्हेतेकेगु जक स्यड हलाला । जाँचया
अप्वः ल्या हेगु गना गना । कहूँ मथां
आखः ब्वं । होमवर्क यो । मचा मिखाले
ख्वबि हुहुं कप क्व छुड वान ।

पलख लिपा मचा प्यहाँवयो
स्वः बले बौ म्हा वहे गेम म्हेतचवन ।

कककक बम मुडन । ओहो ओहो बल
गना वांगु । स्वयो स्व चकलेट नय्हे
थाकु । मचायां मांम्हासीं तिबां तिबां
सःत चवन । मथां बजिनिं भपि भ्भासँ
धायं । बौम्हा छत्थुं हे तं पिकायो
धाल - आसे गुलि हालेमःगु । थाना
जि बुइथें च्वंबले हे छ हाले मःगुला ?
स्वयहे बौम्हा समृद्ध नेपाल दय्किम्हा
थें च्वं । मचा बौम्हासिता स्व स्वं कप
लहुकु लहुकु याड थःता ब्यगू अर्ति सत्यता
मामां क्वहँ वान ।

स्वप नगरपालिकाया ज्या भवः त

२१ क्वगू राष्ट्रिय भूकम्प सुरक्षा दिवस



२०७३ माघ ३ गते विहीबार ।

ख्वप नगरपालिकां न्ह्याकचवंगु ख्वप इन्जिनियरिङ्ग कलेज व ख्वप कलेज अफ इन्जिनियरिङ्गया ग्वसालय् २१ क्वगू राष्ट्रिय भूकम्प सुरक्षा दिवसे मूपाहाँ व पाहाँपिसं न्वचु वियगु ज्याइवः जुल ।

उगु ज्याइवसं ख्वप नगरपालिकाया मेयर सुनिल प्रजापतिजुं ख्वप इन्जिनियरिङ्ग कलेजे व्वपुं व्वनामिपिसं ख्वपया सम्पदाया अध्ययन अनुसन्धान याड न्हगु शैलीनपां पुलांगु व थःगु मौलिकशैलीनं सय्के थुइके मःगुलि बःबियो दिल ।

गुकिया प्रचार प्रसार संसार डांक याय् मःगु २०७२ सालया भ्वखाचां भ्नीके लाहाफयो नयगु बानी ब्वलांगु खानेदःगु, भ्नीसं भ्नीगू हे पहः (शैली) या छें दय्के मः धायोदिल ।

प्रदेश ३ या सांसद सुरेन्द्रराज गोसाईजुं चीनया भ्वखाचां स्यंकगु सिचुवान सहर अः अर्थक्वेक टुरिज्मया काथं विकासयागु भ्नीसं थजगु हे खाँ जनतातय्ता काँ काँ यंके मः धायोदिल ।

उगु ज्या इवसं कलेजया प्रचार्य सुजन माक, सुनिल दुवाल, डा. सुवेगमान बिजुकुठें, डा. मञ्जिप शाक्य, डा. विजयकृष्ण श्रेष्ठ, उपप्राचार्यपुं रबिन्द्र फौजु व रत्नशोभा प्रजापति पिसंनं थःगु नुगः खाँ प्वंक द्यगु खः ।

अथेहे प्यक्कगू नगरसभां ख्वप स्थायी बसोबास याड वयो च्वपुं गरिब, जेहेन्दार विद्यार्थीपिन्ता शैक्षिक प्रमाणपत्र धितो तयो ५ लाख तक ऋण बियगु खाँ सर्वसम्मति क्वछित । उगु सभाया नायो मेयर सुनिल प्रजापतिजुं निर्वाचनया घोषणापत्रे न्हिथाडा काथं हे थुगु ज्याइव हःचिइकागु धायोदिसें ऋण दुरुपयोग जुइगुलि सचेत जुयमःगुलिं मःगु प्रक्रिया काथं ऋण प्इकेगु व्यवस्था याय्गु खाँ कड दिल । थुगु विषय थी थी सभासद् पिसंनं थःगु विच प्वंक द्यगु खः ।

जनकपुरे जुगू पत्रकार सम्मेलन

२०७५ माघ १६ मंगलबार

नेमकिपाया केन्द्रीय सदस्य नपां ख्वप नगरपालिकाया प्रमुख सुनिल प्रजापतिजुं बुद्धबार जनकपुरे छगू पत्रकार सम्मेलने ब्वति कासैं पूँजीवादी व्यवस्थां ज्यासाड नैपुं जनतातय्गु पक्ष ज्या मयाइगुलिं थःपुं सरकार मवाडागु खाँ कड दिल । विदेशी तय्ता अःपुक नागरिकता विय मज्यगु उकिया लिच्च भ्नीगू सार्वभौमिकता लुटेयाइगु धायो द्युसैं खुल्ला सिमाना नियमित याय्मःगु तर नेकपा सरकार नांजकया कम्प्युनिष्ट

सरकार जूगुलिं समाजवादया नितिं नेमकिपां ज्या साड वयोचवंगु खाँ ब्याकदिल । समाजवाद ज्यासाड नैपुं ज्यापु ज्यामिया स्वर्ग जूगुलिं समाजवादी क्रान्ति हःचिइकेगुलि सकल नेपाली जनता छप्पा जुयमःगुलि बःबियो दिल ।

ई नपां मिलेमजगू संविधान संसोधन मयासा जनतां खुड हाकुतिनिगु इतिहास साक्षी दः धायो दिसैं नेमकिपा ज्यासाड नैपुं ज्यापु ज्यामिया भिं जुइगु पक्षखय् संविधान संशोधन याय्मगुलि बः बियागु खाँ कड दिल ।

न्हुगु पुस्ताया सैद्धान्तिक स्तर थाकायो यंके मः

२०७५ माघ १३ गते

ख्वप नगरपालिकाया प्रमुख सुनिल प्रजापतिजुं लाहान नगरपालिकाया प्रमुख मुनी शाह गुडी नपां नपालाड ख्वप नगरपालिकां याड च्वंगु शिक्षा, पर्यटन, सम्पदा संरक्षणया खाँ ब्याक ख्वप देयाता ज्ञान विज्ञानया केन्द्र, पर्यटकीय गन्तब्यस्थल दय्केगु, यच्चुपिचुयाय्गुया नितिं जनप्रतिनिधिपुं ज्या साड च्वंगु व ख्वपया भाषा, लिपि, कला संस्कृति, थी थी लागाय् लोकं ह्वापिनिगु जीवनी, स्थानीय पाठ्यक्रम नपां थी थी विषयया खाँ कड दिल ।

लाहान नगरपालिकाया प्रमुख गुडीजुं देशया चिच्याह्रांगु नगरपालिका जुसां ख्वपं फुक्क क्षेत्रे बँलागु व व्यवस्थित ज्यायाड च्वंगु मेगु नपाया नितिं सय्के बहगु खाँ खः धायो दिल । वयकलं नेमकिपाया नायो नारायणमान बिजुक्छँ (का. रोहित) फुक्कसिनं सम्मान याय्मःम्हा राष्ट्रिय विभूति खः । राष्ट्रिय व्यक्तित्व ख्वप नपाया प्रमुख सुनिल प्रजापतिजुं नेतृत्व याड द्युगुलिं फुक्कसिनं उगु नपा पाखें सय्केमःगु खाँ कड दिल । थःगु जिल्लाय् कलेज सम्बन्धी सरकारं असहयोग यागु खानं ब्याकदिल ।

उगु ज्याइवसं ख्वप नपा १ या वडाध्यक्ष श्यामकृष्ण खत्री ३ या राजकृष्ण गोरा नपां सिरहा नपाया वडाध्यक्षपुं नं. नपां दःगु खः ।

अथेहे ख्वप नपाया प्रमुख प्रजापतिजुं राजविराज नगरपालिकाया प्रमुख शम्भुप्रसाद यादव उपप्रमुख साधना भा व मेपुं नपालाड सल्लाबल्लायासे समाजय् धात्थें खःगु ह्युपा ह्युगु खःसा न्हुगु पुस्ताया सैद्धान्तिक स्तर थाकायो यंके मःगु उकिया नितिं स्थानीय नेतृत्व हःचिले मःगु खाँ ब्याक दिल राज्यया नेतृत्व बांलासा दे हज्याइगु जुगुलिं विदेशी सहयोग व एनजिओ, आइएनजिओया इसाराय् दे चलेजुय्मज्युगु खाँ ब्याकदिल ।

अथेहे राजविराज नपा प्रमुख यादवं उगु खाँया समर्थनयासे थमनं एनजीओ व आइएनजीओ हते याय् मफयागु ख्वप नगरपालिकां याड च्वंगु ज्या च्वछाय् बहगु खाँ खः धायोदिल ।

ख्वप नगरपालिका प्रमुख सुनिल प्रजापति लाहाने पत्रकारत नपां खँल्लाबल्ला यासे नेमकिपां नेकपा सरकारयाता सैद्धान्तिक रुपं तस्कं कुंखिड च्वडागु नपां नेमकिपा समाजवादया नितिं ज्यासाड च्वडागु खाँ कडदिल ।

उगु ज्याइवसं पत्रकार तय्गु न्ह्यसःया लिसः ब्युसें नेमकिपां भारतीय जनताया मखु भारतीय शासन व्यवस्था व

हस्तक्षेप नीतिया विरोध याड वयो च्वडागु खः । नेकपा सरकार कम्युनिष्ट सिद्धान्तकाथं न्ह्याड च्वंगु मरु । राज्यया लाहाते (स्वामित्व खय्) वयमःगु कलकारखाना निजीकरण याड पूँजीपति वर्गया सेवा याड च्वंगुलिं थ्व कम्युनिष्ट सरकार मखु धायोदिल ।

जनताया लिक्क च्वंगु सरकार स्थानीय सरकार जूगुलिं उकियाता अधिकारसम्पन्न याय्मःगु थ्वहे खाँ नेमकिपां बःबियो च्वंगु खाँ ध्वाथुइक दिल ।

प्रजग कोरियानपां थीथी देशे अमेरिकां याड वयो च्वंगु नाकाबन्दीया विरोध यासे न्यायप्रेमी जनताया पालिड नेमकिपा हालवयो च्वंगु नपां सांसद तय्ता पेन्सन वियधःगु, ३ प्रतिशतया श्रेष्ठहोल्ड, उद्योगधन्दाया निजीकरण नपां जनतातय्ता दुःख जुइगु विधेयकया विरुद्धय् संसद नुवाड च्वंगु, पूँजीवादी सरकारे वाड समाजवाद मवैगुलि नेमकिपा सचेत धाय्गु खाँ ब्याक दिल ।

नेमकिपा निस्वांगु भिंदिया लसताय आइतबार सप्तरीया राजविराजे नेमकिपा सप्तरी जिल्लाया नायो दिगम्बर यादबया नायोलय् जूगु कार्यकर्ता भेलाय् नेमकिपाया केन्द्रीय सदस्य एवं ख्वप नगरपालिकाया प्रमुखजुं पूँजीवादी व्यस्थाय् गरिब त भन भन गरिब व तःमिपुं भन् भन् तःमि जुइगु अले शोषणया यक्व लॉपू त दैगुलिं समाजवादया निम्तिं ज्यासाड तराई (मसे) किसान आन्दोलन हज्याकेगुलि बःबियो दिल । उगु ज्याइवःसं सप्तरी जिल्ला सदस्य जयनारायण शर्मा, अभिनन्दन यादव, दिपु यादव पिसं नं थःगु नुगः खाँ प्वंक द्युगु खः ।

भैरब बहादुर थापायाता विदाइ

२०७५ माघ १८ गते

ख्वप मा.वि. ज्यासाड अनिवार्य अवकाश कायो द्युम्हा भैरब बहादुर थापायाता विदाइ बिय्गु ज्याइवसं ख्वप नपा प्रमुख सुनिल प्रजापतिजुं छम्हासियागु गल्तीखं पुरा संस्था व संस्थानपां स्वापु दः पिनिगु नेतृत्वखय् हे शंका याइगु जूगुलिं फुक्क शिक्षक कर्मचारी पुं इमान्दार जुयो पदीय दायित्व निर्वाह याय्मःगु खाँ कड दिल ।

शिक्षा क्षेत्रे अग्रज पिसं याड वांगु योगदान सितिं मवांगु खाँ वय्कं ब्याकदिल ।

संघीय संसद राष्ट्रिय सभाया राष्ट्रिय सरोकार व समन्वय समितिखय् ख्वप नपाया प्रमुख



२०७५ माघ ११ गते

संघीय संसद राष्ट्रिय सभाया राष्ट्रिय सरोकार व समन्वय समितिया ग्वसालय स्वनिगःया नगरपालिकां घोषणापत्रखे च्वयो तःकाथं ज्यायाय् मफगुया हुनि व लिपा याय्गु ज्याइवःया विषयलय् सल्लाहबल्लाज्याइवः क्वचाल । उगू ज्याइवःस प्रमुख सुनिल प्रजापतिजुं ख्वप नगरपालिकां अःतक यागु ज्याइव कडु दिल । अःतक खय् सम्पदा पुननिर्माण ६८गू, लाँ बाँलाकेगु (स्तरोन्नति योजना) १५ गू, लाँयु लोहँ व अपां सियगु ज्या२७ गू, त्वनेगु नाःया नितिं डिप बोरिड व मःगु ब्वस्थाया योजना ७गू, सार्वजनिक जग्गा संरक्षण छथाय्, भवन निर्माण योजना १६ गू व ख्वप अस्पतालया भवन दानेगु ज्या सुरु जूगु खाँ ब्याक नगरपालिकाया व्यवस्थापनया नितिं मःगु ऐन नियम दयक राजपत्र मार्फत पिब्वय सार्वजनिक याडागु सीपमूलक तालिम बियागु, स्थानीय पाठ्यक्रम दयक लागू याडागु, सरसफाइ अन्दोलनकाथं बःछिया छक न्ह्याक वयागु, जनस्वास्थ्य सञ्चालन, बजार अनुगमन, छँ छँ नर्सिड सेवा न्ह्याक च्वडागु, जनज्योति पुस्तकालय मःगु सन्दर्भ साफूत तयो ब्वनेगु व्यवस्था नपां भक्तपुर “लय्पौ”, ख्वप पौ “बःछि पौ”, वेवसाइट अनलाईन पत्रिका, फेसबुक पेज, मोबाइल एप, एफ.एम. ज्याइवः, अडियो नेटिस, वेव एस एम एसया ज्याइवः न्ह्याक नगरपालिकाया ज्याइवःत न्ह्यक स्वयर्थे पारदर्शी याडु वयागु खाँ कडु दिल ।

वयकलं स्थानीय चुनावया इलय विश्वविद्यालय दयक समाजता बुद्धिजीवीकरण याय्ता ग्वाहाली याय्गु, अस्पताल दयकेगु, स्थानीय घरेलु उद्योगयाता बल्लाकेता हस्तकलाग्रामया व्यवस्थापन, साँस्कृतिक नगर घोषणा याकेता पहल याय्गु, भ्वखाचं स्येकगु फुक्क ल्वहनेगु, कृषि बजार व पशु बधशाला या व्यवस्था, आदरनिकेतन दयकेगु थी थी ज्याया नितिं मःगु

बजेट मरूगु, संघ, प्रदेश व स्थानीय तहया तालमेल मिलेमजुगु, संविधानया अनुसूचि ९ काथं अधिकार बाँडफाँड मजुगु समस्यां ज्यायाय्ता मछिड च्वंगु खाँ कडु दिल ।

वयकलं सम्पदा संरक्षणया नितिं मःगु काथंया सिँ, ज्यासःपुं दक्षजनशक्ति मरूगु, सरकारया धापु नापां बजार भः ऊमलागु, परम्परागत सामानत अःपुक मदैगु, ठेक्कापट्टाया ज्या कमसल जूगु, उपभोक्ता समिति पाखें ज्यायाकसा बजेट सिमा मगाड पडगजुगु खाँ काडु दिसे ख्वपयाता साँस्कृतिक नगरी घोषणा याकेगु, पर्यटकीय गन्तब्य स्थल काथं हज्याकेगु, ज्ञान विज्ञानया केन्द्र दयकेगु यच्चुपिचुगु ख्वप दे दयकेगु पारदर्शी व आर्थिक अनुशासित ख्वपदे दयकेगु, ख्वप विश्वविद्यालय व ख्वप अस्पताल दयकेगु भावी योजना कडु दिल ।

वयकलं माननीयजु पिसं न्यंगु न्ह्यसया लिसः ब्यूसें लगानी बोर्ड ऐन खारेज यायमःगु, पुरातत्वं याइगु ज्या अनुगमन यायुमःगु, दाज्याया सामानत परिक्षण यायुमःगु स्थानीय तहया स्वायत्तताय् प्रदेश व संघं क्वत्यले मज्युगु सार्वजनिक खरिद ऐन व्यवहारिक जुयमःगु खाँ नपां ख्वप नगरपालिकाया राजपत्र व प्रकाशन त समितियाता लः ल्हाडु दिल ।

उगू ज्या इवसं येँ यलया नगरप्रमुख तय्सं नं थः थःगु खाँ तयो द्युगु खः ।

नियमित सरसफाइ (सचुकुचु) ज्याइव जुल

२०७५ माघ १५ गते

बःछिया छक याडु वयोच्चंगु नियमित सरसफाइ (सचुकुचु) ज्याइव अरनिको सभाभवन निर्माणस्थलस ख्वप नगरपालिकाया जनप्रतिनिधि, कर्मचारी, विद्यालय व कलेजया शिक्षक व विद्यार्थी, स्थानीय दाफा, भजन, टीम, पुचः मिलेजुयो न्ह्याकल ।

उगु ज्याइवस ख्वप नपाया कार्यबाहक प्रमुख रजनी जोशीजुं उगुथासय् मथां हे अरनिको सभा भवन दानेगुया नितिं नेपाल सरकार पूर्वाधार विकास तथा भौतिक योजना मन्त्रालयपाखें वडुगु अनुदानया नितिं ज्या जुयोच्चंगु खाँ कडु दिल । उगू ज्याइवः स वडा नं. ६ या वडाध्यक्ष हरिराम सुवाल, का.पा. सदस्य रोशनमैया सुवाल, वडासदस्य गोविन्द दुवाल, प्रशासकीय अधिकृत रोहितराज पोखरेलजुनं. नुगःखाँ प्वंकदुगु खः ।

अःया सरकारं शोषक वर्गया सञ्चालक समिति काथं ज्या साड च्वंगु द

२०७५ माघ १२ गते

नेमकिपा या ४५ कगू निस्वाङ्गुदिं नेमकिपा सिराहा जिल्लाया ग्वसालय् ज्याइवः न्ह्याकल ।

उगु प्रशिक्षण ज्या इवःसं नेमकिपाया केन्द्रीय सदस्य नपां ख्वप नगरपालिकाया प्रमुख सुनिल प्रजापतिजुं अःया सरकारं शोषक वर्गया सञ्चालक समिति काथं ज्या साड च्वंगु धायो दिसें नेमकिपा देशे माथांगु समतामूलक समाज दय्केता हचिल च्वंगु नपां भिंपुं, सभ्य व अनुशासित नागरिक दय्केता ज्या साड च्वंगु खाँ कड दिल ।

लेखा समितिया प्रतिवेदन पास यात

२०७५ माघ ४ गते शुक्रबार ।

ख्वप नगरपालिकाया प्यकगु नगरसभाय् अपाङ्गता जूपुं मनुतय्गु (परिचयपत्र) म्हसिइका पौ इयगु नपां लेखा समितिया प्रतिवेदन पास यात । बैठकया नायो मेयर सुनिल प्रजापतिजुं महालेखा परिक्षकजुपुं नपां आर्थिक वर्ष २०७३/७४ या लेखा परिक्षण प्रतिवेदनया विषयलय् खँलाबला याडाबले ख्वप नपां छुंनं. आर्थिक गतिविधि निर्णय मयासिं व कार्यविधिया अखः मयागु थःगु खाँ स्पष्ट याड दिल । वयकलं ज्याया इवले गुलिं कानुनया लिधंसाय् गुलिं व्यवहारया लिधंसाय् निर्णय याय् मालिगु खाँ कड दिल ।

थीथी सभासद् तय्सिं व्यक्तिकायो द्युगु उगु सभाय् लेखा समितिया विषयले न्यंगु न्ह्यसया लिसः लेखा समितिया कजि हरिप्रसाद बासुकलाजुं बियो द्युगु खः ।

नेपाल मजदुर किसान पार्टीया ४५ क्वगू निस्वांगु भिंदिं यें या ज्याइव जिल्ला समितिया ग्वसालय् नेमकिपा केन्द्रीय समितिया दुजः नारायण महर्जनया नायोलय जुल । उगू ज्या इवसं नेमकिपाया केन्द्रीय दुजः नपां ख्वप नगरपालिकाया प्रमुख सुनिल प्रजापतिजुं नेमकिपां मार्क्सवादी लेनिनवादी बिचः काथं कानुनी व गैरकानुनी संघर्ष याड वयोच्वंगु, संसदे वाड राष्ट्रघाती महाकाली सन्धी, १९५० या असमान सन्धी सम्भौताया विरुद्धय व सरकारं हेगु जनविरोधी विधेयकया विरुद्धय ल्वाड वयोच्वंगु पार्टी जुगुलिं समाजवाद ह्यधुंक साम्यवादतक थ्येकेगु उद्देश्य तयो २०३१ माघ १० गते निस्वांगु खाँ कडदिल ।

उगु ज्याइव ख्वप नगरकमितिया नायो नारायण बहादुर दुवाल यें जिल्ला समितिया नायो नुरमान महर्जन, छ्याञ्जे राजवीर डंगोलजुं नं. थःगु नुगः खाँ प्वंक द्युगु खः ।

नेमकिपा पूँजीवादी सत्ताय् वाड समाजवाद वैमखु धायगु लाँपु ज्वड नेपःया कम्युनिष्ट आन्दोलने खोटा बिचः तैपिनिगु विरुद्धय ल्वाड कम्युनिष्ट आन्दोलनता खःगु लाँपुइ हःचिइकेगु ज्यायाड च्वंगु खाँ कड दिल । राजनीति पद, धेवा व व्यक्तिगत स्वार्थया नितिं मजुसं शोषित पिडित जनताया भिंजुइगु ज्याखय् छय्लेमः । पूँजीवादी व्यवस्था कोमदःतले समाजवाद मवैगुलिं जनता तय्ता थुइक चेतनास्तर थाकायो यंके मःगु उकिया लागिं पार्टी प्रकाशन त्वमफिइक बवनेगु सल्लाह नं बियो दिल ।

उगु ज्याइवसं नेमकिपा सिरहा जिल्लाया नायो विजयकुमार महतो, न्वकु सञ्जयकुमार सिंह, मजदुर संघया केन्द्रीय दुजः राजकृष्ण गोरा, नेक्राविसं मूगुथिया नायो सबिन ख्याजु नपां सिरहाया दांभारी हरिनारायण महतो, दुजः श्रीलाल पासवान, नेमकिपा सिरहा जिल्ला किसान संघया नायो शत्रुघन यादव, रञ्जुकुमारी सिंह, श्रीवती सदाय, पर्शुराम महतो, मोहन पासवान, आशिषकुमार कर्ण, रामबल्लभ दास व रिकुदास पिसं नं. थःगु नुगःखाँ प्वंकगु खः ।

नगरसभा “युवा संसद सञ्चालन कार्यविधि २०७५” पारित यात

२०७५ माघ १९ गते

ख्वप नगरसभा पाखं “युवा संसद सञ्चालन कार्यविधि २०७५ पारित यात । थुगु ज्याइवसं युवातय्सं संसद गथे न्ह्याकेगु धायगु खाँ थुइगु व युवा तयगु नेतृत्व व क्षमता विकास जुइगु खाँ ख्वप नपाया प्रमुख सुनिल प्रजापतिजुं धवाथुइक दिल । वडादुनेया १६ दा निसें २४ दाया ल्यासे ल्याम्हो मुंक छगू पुचः द्येक संघ, प्रेदश व स्थानीय तह पाखं न्ह्याकिगु ल्यासे ल्याम्होतय्गु ज्याइवः पुवांकेगुया लागिं ग्वाहाली याय्गु, विपद् व्यवस्थापन व सामाजिक अन्धविश्वास कुरीतिया विरुद्धय युवातय्ता छय्लेता अःपुकेगु व्यवस्थानं थुकी दुथ्याक तःगु दः ।

उगु ज्याइवसं सभासद बलराम न्हिसुतु, सिद्धिराम अवाल, हरिरत्न गोर्खाली, शिवप्रसाद बाला, राजेन्द्र माक व श्यामसुन्दर मातां पिसं थुगु ऐनया बारे थःगु खाँ कड द्युगु खः ।

स्थानीय सरकारता केन्द्र सरकारं याइगु हस्तक्षेप स्वीकार्य मजू

२०७५ माघ १७ गते

ख्वप नगरपालिकाया प्रमुख सुनिल प्रजापतिजुं थीथी नपाया उपप्रमुख पुं नपालाडु दिल । उगू नपालायगु ज्याइवःले स्थानीय सरकारता केन्द्र सरकारं याइगु हस्तक्षेप स्वीकार्य मजू, डांक विकासया नितिं स्थानीय सरकारता बलाके मःगुलि बःबियो दिल । ख्वप नगरपालिकां शिक्षा, स्वास्थ्य, संस्कृतिया नितिं साडु च्वंगु ज्या नपां विश्वविद्यालय चाय्क छगू उदाहरणीय नमूना दे दय्केगु बिचः कडु दिल ।

उगु ज्याइवस लालबन्दी नपाया उपप्रमुख शान्ति लामा तामाकोशी गाउँपालिका उपप्रमुख उर्मिला खड्का, वागमती नपा उपप्रमुख लीलाकुमारी मोक्तान, जिरी नपाया कृष्णामाया बुढाथोकी, भीमेश्वर नपाया कमला बस्नेत नपां खल्हाबल्लहा जूगु खः ।

अथेहे लालबन्दीया धुकधुकी एफ एमसं खँल्हाबल्हायासे ख्वप नगरप्रमुख सुनिल प्रजापतिजुं नेमकिपा समाजवाद निष्ठ सिद्धान्तकाथं हज्याड देशघाती सन्धीया विरुद्धे चर्को विरोध याडु वयोच्वंगु पार्टी खः धायोदिल । उगू खँल्हाबल्हाख्यु नेकपा सरकार नां मात्रया कम्युनिष्ट सरकार खः । अःयायगु राजनीति ठेकेदार, गुण्डा, अपराधीयाता सांसद यायता जनताया मतकायो त्याकगु

भक्तपुर ट्रक व्यवसायी संघया १९ कगू साधारणसभा

२०७५ माघ १८ गते

नेमकिपाया केन्द्रीय सदस्य नपां ख्वप नपाया मेयर सुनिल प्रजापतिजुं भक्तपुर ट्रक व्यवसायी संघया १९ कगू साधारणसभाया उलेज्या याडु दिसें व्यवसायी व ब्यापारी तयसं समाजता सभ्य व सुसंस्कृति यायता ग्वाहाली यायमःगु बिचः प्वंक दिल । वयकं लाँ तःब्याकेगु नामे पुलांगु सम्पदा, लोहँहिटी, फल्चा थुयमज्यगु खँ नं. कडुदिल ।

उगू ज्याइवसं ट्रक व्यवसायी संघया नायो महेन्द्र खायमली, ने.या.व्य.राष्ट्रिय महासंघया वरिष्ठ उपाध्यक्ष विजयबहादुर सुवाल पिसनं. थःगु बिचः प्वंकदयुगु खः ।

खाँ काडु, नेमकिपां ज्यासाडु नैपुं ज्यापु ज्यामिया पक्ष ज्यासाडु वयोच्वंगु खाँ नं ब्याकदिल ।

अथेहे नेमकिपाया ४५ कगू निस्वांगु दिनया लसतायु सर्लाही जिल्ला समितिया ग्वसालयु जूगु चन्द्रनगर गाउँपालिकायु कार्यकर्ता प्रशिक्षणया इवल्यु नेमकिपाया केन्द्रीय दुजः सुनिल प्रजापतिजुं ज्यासाडु नैपुं ज्यापु ज्यामिया नितिं क्रान्तिकारी भूमिसुधार ह्यु मःगु, भीगु देशे हे देशी सःया कारखाना चाय्के मःगु खः धायोदिल । सरकार हिल तर जनताया दुःख मह्युगुया हुनि भागवण्डा व सरकारे वानिपुं नेतातयसं व्यक्तिगत स्वार्थ, सत्तामोह व लोभं जूगु खः धायोदिल ।

ज्यासाडु नैपुं जनतां राजनीति मयात धःसा मखुपिनिगु लाहातयु राजनीति लः वानिगु जुगुलिं राजनीति जनताया हकहितया नितिं जुयमः धायोदिल ।

पूँजिपतिवर्ग थःगु स्वार्थया नितिं ज्या सानिगु अले भारतया ईशारायु न्ह्याडु च्वम्हा थव नेकपा सरकारं भिं मयाइगु खाँ कडु दिल । न्हापानिसें हे नेमकिपा तराईया जनताया पक्ष मोहिनयानी हक व सिंचाईया व्यवस्थायायमःगु, खुल्ला सिमाना नियमित यायमःगु नपां नेमकिपा भारतीय जनताया पक्ष दःगु खाँ नं ब्याकदिल ।

कम्युनिष्टया नामं भोतं त्याक वापुं अःया सरकारं देशया तःतः हांगु कारखानाता फुक्क निजीकरण यागु व भाइ काँग्रेसया चरित्रक्यंगु खाँ कडु दिल । नेमकिपां दे सिक्किमिकरण याइगु खाँयु विरोध याडु देशता खःगु थासे ह्यगुलि ग्वाहाली याडु च्वंगु खाँ नपां ख्वप नगरपालिकां मचात स्वइगु शिशु स्याहार लिसें विश्व विद्यालय तक चाय्क फुक्क समाजता बुद्धिजीवीकरण यायगु मतिं हज्याडु च्वंगु खाँनं कडु दिल ।

उगु ज्या इवसं नेमकिपाया केन्द्रीय दुजः दिनेश साहजुं गरिब जनताया समाजवादी गणतन्त्र ह्युता ज्यासाडु च्वंगु खाँ कडु दिल ।

उगु ज्या इवसं राजकृष्ण गोरा, (मजदुर संघ) सबिन ख्याजु (नेक्राविसंघ), नेमकिपा सर्लाही जिल्ला समितिया रघुबिन्द्र कुसवाहजुं नं. न्वचुवियो द्युगु खः ।

समाजवादी आन्दोलनया नितिं व्यापक जनता राजनैतिक रुपं सचेत जुयमः

२०७४ माघ १४ गते

नेमकिपा सप्तरी जिल्ला समितिया ग्वसालय् राजविराजे जूगु पत्रकार नापलाय्गु ज्याइवसं नेमकिपाया केन्द्रीय दुज, ख्वप नगरपालिकाया प्रमुख सुनिल प्रजापतिजुं समाजवादी आन्दोलनया नितिं व्यापक जनता राजनैतिक रुपं सचेत जुयमःगु खाँ कडु दिल । वहे इवले नेमकिपां नक्कली कम्युनिष्ट तय्गु तच्चकं कुंखिडु सैद्धान्तिक रुपं जनता तय्ता सचेत यासे समाजवादया नितिं ज्यासाडु वयोच्चंगु खाँ ब्याकदिल ।

तराईया गरिब किसानतय् नितिं क्रान्तिकारी भूमिसुधार याय्मःगु, भूगु देशे हे देसीसया कारखाना दय्केमःगु, तराईया बुँज्या याय्ज्यगु कृषियोग्य थाय्या लागिं नाछुय्गु (सिंचाई) या व्यवस्था याय्मःगु खाँ बः बियोदिल ।

आर्थिक समानताया लागिं राज्य शिक्षा व स्वास्थ्यखय् निःशुल्क नपां माथांवांक संतुलित विकासया नितिं विकेन्द्रीकरण व स्वायत्तता प्राथमिकता वियमः धायोदिल ।

वयकलं नागरिकता बस व सिनेमाया टिकटथेजुयमफैगु धसें राजनैतिक अधिकार अन्तर्गतया नागरिकता व मताधिकारे स्वैदनील विषयले सरकार गम्भीर मजुसा विदेशीतय्सं नागरिकता कायो नेपाली तय्ता अल्पमत लाकिगुलि सचेत जुयमःगु खाँ कडु दिल ।

ख्वप नगरपालिका प्रमुख प्रजापतिजुं इटहरी उपमहानगरपालिकाया प्रमुख द्वारिकलाल चौधरीजुयाता नपालाडु एनजिओ, आइएनजिओके फवडु नय्गु प्रवृत्ति विकास जुयो

चवंगुलिं अजगु संस्थाता ख्वप नपां निषेधयाडु कजेल चाय्क देशतामःपुं दक्ष जनशक्ति तयार यासे २५ गू शैयाया अस्पताल दय्क चवडागु खाँ कडु दिल । नपां आधारभूत स्कूलया शैक्षिक स्तर थाकाय्गु मतिं तालिम वियो वयागु, भौतिक सुधारया नितिं धेवां ग्वाहाली याडु वयागु, ख्वपनपां ख्वपया कला व संस्कृतिया व्यवसायीकरण यायां ख्वपदेता यच्चुपिचुगु साँस्कृतिक नगर, पर्यटकीय गन्तब्यस्थल व शिक्षाया केन्द्र दय्केगु मतिं हज्याडु चवडागु खाँ कडुदिल ।

अथेहे ख्वप नपाया प्रमुख सुनिल प्रजापतिजुं सोमबार धरान उपमहानगरपालिकाया का.वा. प्रमुख मज्जु भण्डारी प्रशासकीय अधिकृत विनोदप्रसाद पोखरेल, विशेष प्रशासकीय अधिकृत कल्याणी प्रसाद खतिवडाजुपुं नपालाडु ख्वप नपां फागुन ५ गते अन्तरनगर करतिं धिं धिं बल्ला कासा म्हेतेगु ग्वसा ग्वयागुलिं ब्वति काय्ता इनाप याडु दिल । उगु इवलय् ख्वप कलेजं देशादेछिया विद्यार्थी पिन्ता ग्वाहाली याडु चवडागु, पुलांगु सम्पदां न्हूगु पुस्ताया सेवायाडु चवडागु, ख्वप दे साँस्कृतिक महत्व दःगु दे जूगुलिं थुकिया म्हासिडुका ल्येक तय्गु ज्या जुयो चवंगु खाँ ब्याक दिल । थुजागु ज्याखय् विदेशी सहयोग छतिं हे मकसिं स्थानीय जनताया सहभागिता व थःगु भावनां प्याक भवखाचां दुगु साँस्कृतिक सम्पदात ल्हवडु चवडागु खाँ कडु दिल । उगु इवलय् कार्यबाहक प्रमुख चौधरीजुनं थःगु खाँ कडु दिल ।



ख्वप नपाया प्रमुख सुनिल प्रजापतिजु व सुनसरी जिल्लायागु नेवा पुत्रः या प्रतिनिधिपुं नापां कःगु सामूहिक किपा

जनतातय्ता विश्वासघात याड्पुं मनूतयता छन्हु जनतां सःगालय् फिड्तिनि

२०७५ माघ १५ गते

नेमकिपाया मू दुजः नपां ख्वप नपाया प्रमुख सुनिल प्रजापतिजुं जनतातय्ता विश्वासघात याड्पुं मनूतयता छन्हु जनतां सःगालय् फिड्तिनि जक एभिन्यूज टेलिभिजनया पत्रकार सचिन पोखरेल नपां खलाबलाया इवलय् प्वंक द्गूगु खः । उगू हे इवलय् नेमकिपां देश व जनताया भिंज्याखय् ज्यासाड् च्वंगु नेमकिपाया घोषणापत्र काथं ज्या साड् च्वडागु खाँ नपां केन्द्र व प्रदेश सरकार नपां समन्वय याड् ज्या सानेगुलि बः बियो दिल ।

वयकलं विदेशी सहयोग मकसिं थःगु हे पौरखं ख्वपया सम्पदा ल्हवड् च्वडागु पारदर्शिता व आर्थिक अनुशासन ल्यंक हज्याय्गु खाँ कड् दिल ।

ख्वपया संस्कार संस्कृति ल्यंक तय्गु मतिं स्थानीय पाठ्यक्रम द्यक ब्वंके बियागु, निजी व सरकारी स्कूलया शैक्षिक गुणस्तर उतिं याय्गु मतिं थीथी तालिम बियो छें छें नर्सया व्यवस्था याडागु खाँ न्हिथाड् दिल । अथेहे नेमकिपा मोरङ् जिल्ला समितिया ग्वसालय् जुगु कार्यकर्ता मुनेज्या व प्रशिक्षण ज्याइवसं नेमकिपा केन्द्रीय सदस्य सुनिल प्रजापतिजुं नेमकिपाया मू उद्देश्य ज्यासाड् नैपुं ज्यापु ज्यामितय्ता शासन सत्ताय् थेंकेगु नपां जनताया प्रजातन्त्र समाजवाद ह्यो साम्यवादतक येकेगु खाँ काड् दिल । विदेशी तय्ता नागरिकता बियगु

अमिता सार्वभौमिकता लःल्हाय्गु थें जुड्गुलिं विदेशे च्वपिन्ता भोट क्वफ्वायगु अधिकार बियमज्युगु खाँ ब्याक दिल ।

कम्युनिष्ट आचरणया अखः ज्यासाड् च्वम्हा नेकपा सरकारं अपराधी, तस्कर व गुण्डातय्ता सांसद याड् सपथ याकगु व निजीकरणता बढावा बियो च्वंगुलिं अपुं कम्युनिष्ट मखु धासैं नेमकिपां शोषित पीडित जनताया पक्ष ज्यासाड् बयो च्वंगु खाँ नपां मजदुर किसान तय्ता राजनैतिक रुपं छुप्पाछधी याय्मःगु बिचः प्वंक दिल । उगु ज्या इवसं ने.क्रा.वि.संघया नायो सविन ख्वाजुनं. थःगु बिचः प्वंक द्गूगु खः ।

अथेहे ख्वप नपाया प्रमुख सुनिल प्रजापतिजुं विराटनगर महानगरपालिकाया प्रमुख भीम पराजुली, उपप्रमुख मीरा कार्की नपां नपालाड् स्थानीय निकाय जनताया लिक्कच्वंगु सरकार जूगुलिं अधिकार सम्पन्न याय मःगु बिचः प्वंकदिल ।

ख्वपया पुलांगु बस्ती परम्परागत शैलीं छँ दानीपिन्ता हःनेया मोहदाय् छ्य्लिगु सिँ, अपाया ३५ प्रतिशत अनुदान बियोवयागु, पर्यटन विकासे बः बियो वयागु, कलेज चायक देशां देछिया ग्वाहाली याड् वयागु, विश्वविद्यालय चायक समाज बुद्धिजीवीकरण याय्गु, २५ शैयाया अस्पताल चाय्केगु खाँ ब्याकदिल ।

उगु नपालाय्गु ज्याइवसं विराटनगर महानगरपालिकाया प्रमुख पराजुलीजुं नं. थःगु खाँ प्वंकदिल ।

प्यकगु ख्वप नगरपालिकाया नगरसभा क्वचाल

ख्वप नगरपालिकाया प्यकगु नगरसभा मंगलबार क्वचाल । नगरपालिका पाखें न्हयाक च्वंगु फुक्क कलेज व ब्वनेकुथिया विनियम सर्वसम्मति पारित जुल । नपां ख्वप नगरपालिकाया लेखा सम्बन्धी गठनया प्रस्ताव अनुमोदन यात ।

उगु ज्या इवसं ख्वप नगरपालिका प्रमुख सुनिल प्रजापतिजुं स्थानीय तहं जनताया सेवा याय अःपुइ धाय्गु खाँ नपां ख्वप नपां न्हयाकच्वंगु कलेजया विद्यार्थीपिसं राष्ट्रिय व अन्तर्राष्ट्रिय स्तरे नां तयो च्वंगु खाँ ब्याक दिल । शिक्षा क्षेत्रखे दकले च्वयलागु नगरपालिका काथं नं. म्हासिड्क बयो च्वंगु नगरपालिका जूगुलिं शैक्षिक गुणस्तरे थाकय् मःगुलि ब

बियो दिल ।

अथेहे उपप्रमुख रजनी जोशीजुं तयो द्युगु मापदण्ड संशोधन प्रस्ताव, ख्वप नपाया कर्मचारी प्रशासन विनियम २०६५ संसोधन प्रस्ताव २०७५ सभासद् रविन्द्र ज्याख्वजुं तयोद्युगु प्रस्ताव नपां सभासद् उकेश कवांजुं तयो द्युगु १२गु प्रस्ताव नं सर्वसम्मतिं पास याड् दिल ।

प्यकगु नगरसभां पारित विधेयक, विनियम, निर्देशिका व कार्यविधिता अन्तिम रुप बियता विधायन समितिता भाला बिसे २०७५ पुष ३० गते न्हयाकगु उगू सभाया ८ न्हया ज्या इवःया प्रतिवेदन सभाया नायो प्रजापतिजुं ब्वयो (प्रस्तुत याड्) क्वचगु बचं बियो दिल ।



लाहान नगरपालिका (२०७५, १३ माघ)



राजविराज नगरपालिका (२०७५, १३ माघ)



इटहरी उपमहानगरपालिका (२०७५, १४ माघ)



धरान उपमहानगरपालिका (२०७५, १४ माघ)



बिराटनगर उपमहानगरपालिका (२०७५, १५ माघ)



बुढीगंगा गाउँपालिका (२०७५, १५ माघ)



भक्तपुर नगरपालिका प्रमुख सुनिल प्रजापतिजुं लालबन्दी नगरपालिका उपप्रमुख शान्ति लामा, तामाकोसी गाउँपालिका उपाध्यक्ष उर्मिला खड्का, बागमती नपाया उपप्रमुख लीलाकुमारी मोक्तान, जिरी नपाया कृष्णामाया बढाथोकी, भीमेश्वर नगरपालिकाया उपप्रमुख कमला बस्नेत नपां सामूहिक भेटया भूवःलय् । (२०७५, १७ माघ)